

O le Malamalama i le Liliuese ma le Manaomia Ai o le Toefuataiga

TUSI LESONA SEMINARE O LE FEAGAIGA FOU

Suesue fuaitau o mau nei ma le saunoaga a Peresitene Russell M. Nelson, ona tali lea i fesili o loo i lalo.

- 1 Nifae 13:24–28: Ua vaai Nifae i se faaaliga vaaia o mea o le a tutupu i upumoni taua i le Tusi Paia.
2. Amosa 8:11–12: Ua valoia e Amosa se oge faaleagaga o le a oo mai.
3. Galuega 20:29–30: Ua lapatai mai Paulo e faapea o le a taitaieseina tagata o le Ekalesia a le Faaola mai le talalelei.
4. Na aoao mai Peresitene Russell M. Nelson:



“O lo tatou Atua soifua o se Atua alofa! E finagalo o la i Ana fanau ia iloa o la ma Iesu Keriso, o lē na la auina mai! Ma e finagalo foi o la ia maua e Ana fanau le tino ola pea ma le ola e faavavau!”

“Ona o lenei faamoemoega mamalu, ua aoao atu ai e o tatou faifeautalai e uiga i le Toefuataiga. Ua latou iloa pe tusa ma le 2,000 tausaga talu ai, sa faatuina ai e le Alii Lana Ekalesia. Ina ua mavae Lona Faasatauroga ma le maliliu ai o Ana Aposetolo, sa suia e tagata le Ekalesia ma ona aoaoga faavae. Ona mavae lea o augatupulaga o le pogisa faaleagaga, ma e pei ona valoia ai e perofeta na muamua atu, na toefuatai mai ai e le Tama Faalelagi ma Iesu Keriso le Ekalesia, o ona aoaoga faavae, ma lana pule faaleperisitua. Ona o lenei Toefuataiga, ua toe avanoa ai i tagata uma le malamalama ma sauniga e tatau ai mo le faaolataga ma le faaeaga. O le faatumutumuga, o lenei faaeaga e mafai ai e i tatou taitoatasi ona nonofo faatasi ma o tatou aiga i le afioaga o le Atua ma Iesu Keriso e faavavau!” (Russell M. Nelson, “Pu’e le Galu,” *Ensign* po o le *Liahona*, Me 2013, 46)

- O a mea na e aoaoina e uiga i le Liliuese Tele mai nei fuaitau o mau ma le saunoaga a Peresitene Nelson?
- O a mea na e aoaoina e uiga i le Tama Faalelagi ma Iesu Keriso e ala i nei aoaoga?
- E fua i mea sa e aoaoina, aisea na alagatatau ai le Toefuataiga?